

11/1.

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona”, broj: 17/00, 1/05, 11/06, 13/11 i 15/17), a u vezi sa članom 69. tačka 43. i članom 81. stav (1) Zakona o izvršenju Budžeta Tuzlanskog kantona za 2021. godinu („Službene novine Tuzlanskog kantona“, broj 1/21), Vlada Tuzlanskog kantona, na sjednici održanoj dana 04.05.2021. godine, d o n o s i

## **O D L U K U**

### **o utvrđivanju uslova, kriterija i postupka za raspodjelu sredstava sa potrošačke jedinice 32010002 – Tjelesna kultura i sport za 2021. godinu**

#### **Član 1.**

##### **(Predmet)**

- (1) Ovom odlukom utvrđuju se uslovi, kriteriji i postupak raspodjele sredstava Budžeta Tuzlanskog kantona za 2021. godinu sa potrošačke jedinice 32010002 - „Tjelesna kultura i sport“ (u daljem tekstu: Sredstva) u iznosu od 855.000,00 KM.
- (2) Sredstva su utvrđena u razdjelu 32 Budžeta Tuzlanskog kantona za 2021. godinu, glava 01, potrošačko mjesto 0002 - Tjelesna kultura i sport na ekonomskom kodu:
  - a) 613900 - Ugovorene i druge posebne usluge u iznosu od 25.000,00 KM,
  - b) 614200 - Tekući transferi pojedincima u iznosu od 100.000,00 KM,
  - c) 614300 - Tekući transferi neprofitnim organizacijama u iznosu od 685.000,00 KM,
  - d) 614400 - Subvencije javnim preduzećima u iznosu od 25.000,00 KM,
  - e) 821500 - Nabavka stalnih sredstava u obliku prava u iznosu od 20.000,00 KM.

#### **Član 2.**

##### **(Dodjela sredstava)**

- (1) Sredstva iz člana 1. stav (2) tačka a) ove odluke dodjeljuju se dobavljačima koji će pružati ugovorene i druge posebne usluge u postupku javne nabavke koje provodi Ministarstvo za kulturu, sport i mlade Tuzlanskog kantona (u daljem tekstu: Ministarstvo) i članovima Savjeta za sport u skladu sa rješenjem ministra za kulturu, sport i mlade (u daljem tekstu: Ministar).
- (2) Sredstva iz člana 1. stav (2) tačka b) ove odluke se dodjeljuju u skladu sa Odlukom o uslovima i kriterijima za dodjelu nagrade i stipendije u sportu Tuzlanskog kantona („Službene novine Tuzlanskog kantona“, broj: 13/20 - u daljem tekstu: Odlukom o uslovima i kriterijima za dodjelu nagrade i stipendije).
- (3) Sredstva iz člana 1. stav (2) tačka c) ove odluke, dodjeljuju se slijedećim sportskim organizacijama i ustanovama:
  - a) sportski klubovi (amaterski i profesionalni),
  - b) sportska društva,
  - c) školska sportska društva grada/općine i kantona,
  - d) kantonalni i gradski/općinski sportski/granski savezi,
  - e) udruženja stručnih osoba osposobljenih za rad u sportu,
  - f) udruženja sportske rekreacije,
  - g) javne ustanove koje pružaju usluge korištenja objekata na ime trenažnog procesa,
  - h) sportski klubovi lica sa invaliditetom (amaterski i profesionalni),
  - i) sportska društva lica sa invaliditetom,
  - j) kantonalni i gradski/općinski sportski/granski savezi lica sa invaliditetom,
  - k) i druga udruženja koja se prema svojim registrovanim djelatnostima bave sportom.
- (4) Sredstva iz člana 1. stav (2) tačka d) se dodijeljuju javnim preduzećima za proizvodnju, promet i usluge u oblasti sporta osnovanim u skladu sa Zakonom o javnim preduzećima.
- (5) Sredstva iz člana 1. stav (2) tačka e) dodijeljuju se dobavljačima po postupku javne nabavke koje provodi Ministarstvo.

### Član 3.

#### (Programi/projekti koji se ne sufinansiraju)

- (1) Pravo na dodjelu sredstava ne mogu ostvariti sportske organizacije koje su kandidovale projekte koji su usmjereni:
- na promociju programa političkih partija,
  - za ostvarivanje vjerskih ciljeva,
  - na realizaciju programa/projekata budžetskih korisnika,
  - na finansiranje plaća i drugih izdataka zaposlenika u pravnom licu, izuzev dijela troškova za stručne osobe osposobljene za rad u sportu koji sa sportskom organizacijom iz člana 2. stav (3) tačke a) i h) imaju zasnovan radni odnos u skladu sa Zakonom o radu (maksimalan iznos troškova koji će se sufinansirati za stručne osobe je 30% ukupnih godišnjih troškova),
  - na realizaciju programa/projekta drugih sportskih organizacija,
  - isključivo na investiciona ulaganja, izgradnju i adaptaciju objekata, kupovinu opreme ili slično, izuzev dijela troškova za kupovinu sportske opreme koji će se sufinansirati u iznosu do 50% iznosa ukupnih troškova iz projekta/programa.
- (2) Pravo na dodjelu sredstava ne mogu ostvariti sportske organizacije koje nisu podnijele narativni i finansijski izvještaj o namjenskom utrošku dodijeljenih sredstava i koje nisu opravdale namjenski utrošak dodijeljenih sredstava u protekle četiri godine.

### Član 4.

#### (Namjena Sredstava)

- (1) Sredstva iz člana 2. stav (1) ove odluke namijenjena su za:
- pripremu TV emisija o sportu, izradu brošura i drugih informativnih letaka o sportu, za organizaciju stručnih skupova, okruglih stolova, edukacija i drugih događaja vezanih za sport na području Tuzlanskog kantona,
  - održavanje softvera – elektronske verzije registra pravnih i registra fizičkih lica u oblasti sporta vođen računarskom tehnikom,
  - sredstva za rad Savjeta za sport u skladu sa članom 14. Zakona o sportu („Službene novine Tuzlanskog kantona“, broj: 8/10, 8/13 i 6/18 - u daljem tekstu: Zakon o sportu).
- (2) Sredstva iz člana 2. stav (2) ove odluke namijenjena su za dodjelu nagrada i stipendija za sport sportistima i učenicima sa područja Tuzlanskog kantona u skladu sa članom 78. Zakona o sportu.
- (3) Sredstva iz člana 2. stav (3) ove odluke se dodijeljuju:
- Sportskim organizacijama i ustanovama iz člana 2 stav (3) tačka a) do k) za sljedeće namjene:
    - sufinansiranje vrhunskog sporta,
    - sufinansiranje kvalitetnog sporta,
    - sufinansiranje sporta lica sa invaliditetom,
    - sufinansiranje sportske rekreacije,
    - sufinansiranje sportskog odgoja i obrazovanja,
    - sufinansiranje zdravstvene zaštite sportista,
    - sufinansiranje pružanja usluga korištenja objekata na ime trenažnog procesa u oblasti sporta,
    - sufinansiranje organizacija sportskih manifestacija.
  - Sportskom savezu Tuzlanskog kantona i Sportskom savezu osoba sa invaliditetom Tuzlanskog kantona za sljedeće namjene:
    - Sufinansiranje stručnih poslova Sportskog saveza Tuzlanskog kantona (u daljem tekstu SS) iz člana 27. stav (1) i (2) Zakona o sportu, po posebnoj odluci Ministarstva,

- 2) Sufinansiranje poslova Sportskog saveza osoba sa invaliditetom Tuzlanskog kantona (u daljem tekstu SSOI) iz člana 32a. stav (1) i (2) Zakona o sportu, po posebnoj odluci Ministarstva.
- c) Sportskim organizacijama za sufinansiranje projekata iz oblasti sporta kojirna se sredstva odobravaju po pojedinačnim odlukama Ministarstva uz prethodno podnesen zahtjev sportske organizacije sa detaljnim opisom programa/projekta.
- (4) Sredstva iz člana 2. stav (4) ove odluke namijenjena su javnim preduzećima koje pružaju usluge korištenja objekata na ime trenaznog procesa u oblasti sporta.
- (5) Sredstva iz člana 2. stav (5) ove odluke namjenjena su za nabavku softvera za uspostavu baze podataka svih registrovanih pravnih i fizičkih lica u oblasti sporta na području Tuzlanskog kantona i za izradu Strategije razvoja sporta Tuzlanskog kantona.

#### **Član 5. (Uslovi)**

(1) Prilikom kandidovanja svojih programa/projekata sportske organizacije iz člana 2. stav (3) tačka a) do k) ove odluke i javna preduzeća iz člana 2. stav (4) ove odluke moraju ispunjavati sljedeće uslove:

- a) da imaju sjedište u Tuzlanskom kantonu,
  - b) da su registrovane u skladu sa zakonom i da obavljaju djelatnost najmanje jednu godinu,
  - c) da su izmirile svoje obaveze po osnovu poreza i obaveznih doprinosa ili imaju zaključen sporazum o odgođenom plaćanju sa nadležnom poreskom upravom, koji se izvršava na način utvrđen tim sporazumom,
  - d) da imaju aktivan transakcijski račun u banci,
  - e) da su opravdale namjenski utrošak sredstava dodijeljenih iz Budžeta Tuzlanskog kantona u protekle četiri godine,
  - f) da za predloženi program/projekat nisu dobili sredstva sa drugih budžetskih pozicija Budžeta Tuzlanskog kantona u 2021. godini,
  - g) da se projekat realizuje u 2021. godini, s tim da se manifestacije Izboru sportiste za 2021. godinu mogu održati najkasnije do kraja januara 2022. godine,
  - h) da se programi/projekti sportskih organizacija koje se takmiče u ligaškom i/ili kup sistemu takmičenja odnose na proljetnu polusezonu 2020/2021. godinu i/ili jesenju polusezonu 2021/2022. godinu,
  - i) da su kandidovali jedan (1) projekat/program, izuzev sportskih organizacija koje se ubrajaju u vrhunski ili kvalitetni sport koji mogu kandidovati maksimalno dva (2) projekta/programa s tim da se jedan od tih projekata odnosi na vrhunski ili kvalitetni sport.
- (2) Izuzetno, sredstva se mogu dodijeliti sportskim organizacijama iz člana 2. stav (3) ove odluke sa sjedištem van područja Tuzlanskog kantona, koje su registrovane na teritoriji Bosne i Hercegovine, ako se radi o programima/projektima od interesa za Tuzlanski kanton, što će se cijeliti u svakom konkretnom slučaju.

#### **Član 6.**

##### **(Kriteriji za vrednovanje programa/projekata)**

- (1) Vrednovanje, odnosno sufinansiranje programa/projekata sportskih organizacija iz člana 2. stav (3) tačke a), b), c), d), e), f), h), i), j) i k) ove odluke vrši se na sledeći način:
- a) **Vrhunski i kvalitetni sport** (vrednuju se i sufinansiraju takmičenja u okviru internacionalnih i državnih saveza članica IOC-a i Sport Accorda u kolektivnim i pojedinačnim sportovima). Sufinansiraju se programi i projekti koji se odnose na:
    - 1) **Vrhunski sport** (kolektivni sportovi)
      - pripreme i učešće na olimpijskim igrama, svjetskim i evropskim prvenstvima, na međunarodnom ligaškom takmičenju u organizaciji krovnih međunarodnih

sportskih asocijacija, mediteranskim igrama i balkanskim prvenstvima (juniorska ili seniorska konkurencija).

- 2) **Vrhunski sport** (pojedinačni sportovi)
  - pripreme i učešće na olimpijskim igrama, svjetskim, evropskim i balkanskim prvenstvima, mediteranskim igrama, na međunarodnim takmičenjima najvišeg ranga u organizaciji krovnih međunarodnih sportskih asocijacija na kojima se ostvaruje norma za olimpijske igre (juniorska ili seniorska konkurencija).
- 3) **Kvalitetni sport** (kolektivni sportovi)
  - pripreme i učešće u prva dva najviša ranga takmičenja organizovanim na nivou BiH (seniorska konkurencija),
  - pripreme i učešće u najvišem rangu takmičenja organizovanom na nivou BiH (omladinske uzrasne kategorije).
- 4) **Kvalitetni sport** (pojedinačni sportovi)
  - pripreme i učešće na pojedinačnom prvenstvu BiH ili drugom sličnom prvenstvu, koje osigurava plasman u reprezentaciju BiH (seniorska konkurencija),
  - pripreme i učešće na pojedinačnom prvenstvu BiH ili drugom sličnom prvenstvu, koje osigurava plasman u reprezentaciju BiH (omladinske uzrasne kategorije).
- 5) Kandidovani programi/projekti iz člana 6. stava (1) tačka a) alineja 1) i alineja 3) ove odluke (kolektivni sportovi) vrednuju se kroz kriterije date u Tabeli 1 – Kolektivni sportovi koji su opisno razrađeni od podtačke a. do k.:

**Tabela 1 – Kolektivni sportovi**

Sportska organizacija	a.Vrhunski sport	b.Kvalitetni sport	c.Rezultati protekle takmičarske sezone	d.Broj reprezentativaca	e.Broj selekcija (seniori, juniori, kadeti, pioniri)	f.Složenost sistema takmičenja	g.Dužina trajanja sezone (Liga-turnirski sistem)	h.Tradicija	i.Masovnost	j.Broj trenera sa odgovarajućom stručnom spremom	k.Kvalitet programa -projekta
Raspon	0-10	0-10	0-15	0-10	0-10	0-10	0-10	0-3	0-5	0-10	0-10
1											
2											
3											
4											
5											
6											
7											
8											
9											
10											

- a. Vrhunski sport boduje se učešće i pripreme prema projektu programu:
  - olimpijske igre..... 10 bodova
  - svjetsko prvenstvo..... 9 bodova
  - evropsko prvenstvo..... 8 bodova
  - međunarodna ligaška takmičenja u organizaciji krovnih međunarodnih sportskih asocijacija (npr. FIBA, ABA, SEHA, WABA i slično)..... 8 bodova
  - mediteranske igre..... 4 boda

Napomena: Bodovi za juniorsku konkurenciju umanjuju se za 3 boda. Bodovi se ne mogu zbrajati.
- b. Kvalitetni sport boduje se učešće i pripreme prema projektu programu:
  - Premijer liga BiH/najviši rang takmičenja (seniori) ..... 10 bodova
  - KUP BiH (seniori)..... 8 bodova
  - Prva liga Federacije BiH (seniori)..... 5 bodova
  - najviši rang takmičenja organizovanom na nivou BiH (omladinske uzrasne kategorije)..... 4 bodova

Napomena: Bodovi se ne mogu zbrajati.

c. Rezultati protekle takmičarske sezone boduju se prema sljedećoj tabeli:

Takmičenje		MP				P BiH				K BiH			F BiH		
Plasman		I	II	III/IV	ostalo	I	II	III/IV	ostalo	I	II	III	I	II	III
Kategorija	S	15	12	10	2-5	10	9	8	1-4	7	6	4	3	2	1
	J, K	5	4	3	1-2	5	4	3	1-2	3	2	1	-	-	-

Legenda: S - seniori, J - juniori, K - kadeti, MP – međunarodno ligaško takmičenje, P BiH – Premijer liga BiH/najviši rang takmičenja, K BiH – Kup BiH, F BiH – Prva liga federacije BiH

Napomena: Vrednuje se najbolji rezultat u svakom od ponuđenih nivoa takmičenja. Eventualno postignuti rezultati na Olimpijskim igrama, Svjetskom i Evropskom prvenstvu biti će posebno bodovani, s tim da maksimalan broj bodova po osnovu ovih rezultata ne može biti veći od 15

d. Broj reprezentativaca boduje se:

- broj članova u državnoj seniorskoj reprezentaciji 2 i više.....10 bodova
- broj članova u državnoj seniorskoj reprezentaciji manji od 2.....7 bodova
- juniorski reprezentativci.....5 bodova
- kadetski reprezentativci.....3 boda

Napomena: Bodovi se ne mogu zbrajati.

e. Broj selekcija uključenih u redovna takmičenja boduje se:

- sportska organizacija koja ima 4 i više uzrasnih kategorija (seniorska, juniorska, kadetska i pionirska).....10 bodova
- sportska organizacija koja ima 3 uzrasne kategorije (seniorska, juniorska i kadetska).....6 bodova
- sportska organizacija koja ima manje od 3 uzrasne kategorije.....2 boda

Napomena: U sportovima koji koriste drugi naziv kategorije (npr. mlađi kadeti) od ponuđenih vrednovanje će se raditi prema uzrasnoj dobi odnosno godinama starosti.

f. Složenost sistema takmičenja boduje se:

- sport sa 3 ranga i više rangova .....10 bodova
- sport sa 2 ranga.....8 bodova
- sport sa 1 rangom.....5 bodova
- sport koji ima turnirski sistem takmičenja.....3 boda

g. Dužina trajanja sezone boduje se:

- liga.....10 bodova
- turnirski sistem takmičenja.....5 bodova

h. Tradicija boduje se:

- preko 50 godina postojanja.....3 boda
- od 21-50 godina postojanja.....2 boda
- od 10-20 godina postojanja.....1 bod

i. Masovnost boduje se broj aktivnih/registrovanih sportista kluba:

- preko 200 sportista.....10 bodova
- od 101 do 200 sportista.....8 bodova
- od 81 do 100 sportista.....6 bodova
- od 61 do 80 sportista.....5 bodova
- od 41 do 60 sportista.....3 boda
- od 21 do 40 sportista.....2 boda
- do 20 sportista.....1 bod

j. Stručni sportski radnici boduje se broj stručnih osoba osposobljenih za rad u sportu prema članu 52. Zakona o sportu, koji sa sportskom organizacijom imaju zasnovan radni odnos u skladu sa Zakonom o radu:

- za svaku stručnu osobu osposobljenu za rad u sportu.....2 boda

Napomena: Maksimalan broj bodova je 10.

- k. Kvalitet programa/projekta boduje se:
- komisija prema stručnoj procjeni ocjenjuje kvalitet projekta/programa u rasponu od.....1- 10 bodova

5) Kandidovani programi/projekti iz člana 6. stava (1) tačka a) alineja 2) i alineja 4) ove odluke (pojedinačni sportovi) vrednuju se kroz kriterije date u Tabeli 2 – Pojedinačni sportovi koji su opisno razrađeni od podtačke a. do k.:

**Tabela 2 – Pojedinačni sportovi**

Sportska organizacija	a.Vrhunski sport	b.Kvalitetni sport	c.Rezultati protekle takmičarske sezone	d.Broj reprezentativaca	e.Broj selekcija (seniori, juniori, kadeti, pioniri)	g.Dužina trajanja sezone (Liga-turnirski sistem)	h.Tradicija	i.Masovnost	j.Broj trenera sa odgovarajućom stručnom spremom	k.Kvalitet programa -projekta
Raspon	0-10	0-10	0-15	0-10	0-10	0-10	0-3	0-5	0-10	0-10
1										
2										
3										
4										
5										
6										
7										
8										
9										
10										

- a. Vrhunski sport boduje se pripreme i učešće prema projektu/programu:
- olimpijske igre .....10 bodova
  - svjetsko prvenstvo.....9 bodova
  - evropsko prvenstvo .....8 bodova
  - međunarodna takmičenja najvišeg ranga na kojima se ostvaruje norma za OI .....8 bodova
  - mediteranske igre.....4 boda
  - balkansko prvenstvo.....2 boda
- Napomena: Bodovi za juniorsku konkurenciju umanjuju se za 3 boda, s tim da se ne boduje balkansko prvenstvo za juniore). Bodovi se ne mogu zbrajati.

- b. Kvalitetni sport boduje se pripreme i učešće prema projektu/programu:
- Zvanično državno seniorsko prvenstvo BiH ili drugo slično prvenstvo koje osigurava plasman u reprezentaciju.....10 bodova
  - Zvanično državno prvenstvo BiH ili drugo slično prvenstvo koje osigurava plasman u reprezentaciju (omladinske uzrasne kategorije).....5 bodova
- Napomena: Bodovi se ne mogu zbrajati.

c. Rezultati protekle takmičarske sezone boduju se prema sljedećoj tabeli:

Takmičenje	OI				SP				EP i MP				MI			BP			PBiH			
	I	II	III	ostalo	I	II	III	ostalo	I	II	III	ostalo	I	II	III	I	II	III	I	II	III	
Plasman	S	15	12	10	2-7	10	8	7	1-5	8	6	5	1-4	6	5	4	3	2	1	6	5	4
Kategorija	J	5	4	3	1-2	5	4	3	1-2	4	3	2	1	3	2	1	-	-	-	3	2	1
	K																					

Legenda:

S - seniori, J - juniori, K - kadeti, OI-olimpijske igre i olimpijske igre mladih, SP-svjetsko prvenstvo, EP-evropsko prvenstvo, MP – međunarodno takmičenje najvišeg ranga, BP – balkansko prvenstvo, PBiH – Prvenstvo BiH/najviši rang takmičenja.

Napomena: Vrednuje se najbolji rezultat u svakom od ponuđenih nivoa takmičenja. Izuzetno, Komisija može dodijeliti do 5 bodova više sportskoj organizaciji koja je ostvarila više pojedinačnih rezultata u okviru više nivoa takmičenja koji se vrednuju.

- d. Broj reprezentativaca boduje se:
- broj članova u državnoj seniorskoj reprezentaciji 2 i više.....10 bodova
  - broj članova u državnoj seniorskoj reprezentaciji manji od 2.....7 bodova
  - juniorski reprezentativci.....5 bodova
  - kadetski reprezentativci.....3 boda
- Napomena: Bodovi se ne mogu zbrajati.

- e. Broj selekcija uključenih u redovna takmičenja boduje se:
- sportska organizacija koja ima 4 i više uzrasnih kategorija (seniorska, juniorska, kadetska i pionirska).....10 bodova
  - sportska organizacija koja ima 3 uzrasne kategorije (seniorska, juniorska i kadetska).....6 bodova
  - sportska organizacija koja ima manje od 3 uzrasne kategorije.....2 boda

- f. Dužina trajanja sezone boduje se:
- liga.....10 bodova
  - turnirski sistem takmičenja.....5 bodova

- g. Tradicija boduje se:
- preko 50 godina postojanja.....3 boda
  - od 21-50 godina postojanja.....2 boda
  - od 10-20 godina postojanja.....1 bod

- h. Masovnost boduje se broj aktivnih/registrovanih sportista kluba:
- preko 100 sportista.....10 bodova
  - od 81 do 100 sportista.....8 bodova
  - od 61 do 80 sportista.....6 bodova
  - od 41 do 60 sportista.....4 boda
  - od 21 do 40 sportista.....3 boda
  - do 20 sportista.....1 bod

- i. Stručni sportski radnici boduje se broj stručnih osoba osposobljenih za rad u sportu prema članu 52. Zakona o sportu koji sa sportskom organizacijom imaju zasnovan radni odnos u skladu sa Zakonom o radu:
- za svaku stručnu osobu osposobljenu za rad u sportu.....2 boda
- Napomena: Maksimalan broj bodova je 10.

- j. Kvalitet programa/projekta boduje se:
- komisija prema stručnoj procjeni ocjenjuje kvalitet projekta/programa u rasponu od.....1-10 bodova

**b) Sport za lica sa invaliditetom**

Sufinansiraju se programi/projekti koji se odnose na:

- 1) Vrhunski sport (kolektivni sportovi)
  - pripreme i učešće na paraolimpijskim igrama, specijalnim olimpijadama, svjetskim i evropskim prvenstvima, međunarodnom ligaškom takmičenju u organizaciji krovnih međunarodnih sportskih asocijacija.
- 2) Vrhunski sport (pojedinačni sportovi)
  - pripreme i učešće na paraolimpijskim igrama, specijalnim olimpijadama; svjetskim, evropskim i balkanskim prvenstvima.
- 3) Kvalitetni sport (kolektivni sportovi)
  - pripreme i učešće u prva dva najviša ranga takmičenja organizovanim na nivou BiH.
- 4) Kvalitetni sport (pojedinačni sportovi)

- pripreme i učešće na pojedinačnom prvenstvu BiH ili drugom sličnom prvenstvu koje osigurava plasman u reprezentaciju BiH.
- 5) Kandidovani programi/projekti iz člana 6. stava (1) tačke b) alineje 1) do 4) ove odluke vrednovaće se na principu utvrđenom članom 6., stav (1), tačka a) alineje 5) i 6).
- c) **Sport za sve** (vrednuju se i sufinansiraju programi/projekti koji se odnose na sportsku rekreaciju, sportski odgoj i obrazovanje i zdravstvenu zaštitu sportista). Sufinansiraju se programi i projekti u rasponu od 500,00 KM do 3.000,00 KM koji se odnose na:
- 1) **Sportska rekreacija**
    - tjelesne aktivnosti i sportske igre koje okupljaju veliki broj djece i omladine (projekti koji se odnose na mlađe selekcije, pioniri i kadeti, sa organizovanim takmičarskim oblicima sufinansiraju se u rasponu od 1.000,00 KM do 3.000,00 KM)
    - tjelesne aktivnosti djece i odraslih koje nemaju organizovane takmičarske oblike (projekti koji se odnose na škole sporta i rekreativne aktivnosti sufinansiraju se u rasponu od 500,00 KM do 2.000,00 KM).
  - 2) **Sportski odgoj i obrazovanje**
    - organizacija školskih sportskih takmičenja i drugih vidova školskog sporta, (projekti sportskih saveza, školskih sportskih društava i drugih sportskih organizacija koje prema odredbama Zakona o sportu mogu organizovati školska sportska takmičenja sufinansiraju se u rasponu od 1.000,00 KM do 2.000,00 KM)
    - sportska edukacija mladih, školske i studentske omladine (sufinansiraju se u rasponu od 500,00 KM do 1.000,00 KM),
    - edukacija stručnih lica (projekti sportskih saveza, klubova i drugih udruženja koja se bave sportom koji organizuju edukacije stručnih lica sufinansiraju se u rasponu od 500,00 KM do 1.500,00 KM).
  - 3) **Zdravstvena zaštita sportista**
    - obezbjeđenje i unapređivanje sistema zdravstvene zaštite vrhunskih, kvalitetnih i perspektivnih sportista.
  - 4) Kandidovani programi/projekti iz člana 6. stav (1) tačka c) alineja 1) ove odluke (sportska rekreacija) vrednuje se kroz sljedeće kriterije:
    - a. Kvalitet programa/projekta boduje se:
      - komisija prema stručnoj procjeni ocjenjuje  
kvalitet projekta/programa u rasponu od.....1-5 bodova
    - b. Stručni kadar za realizaciju programa/projekta, boduje se broj stručnih osoba osposobljenih za rad u sportu prema članu 52. Zakona o sportu, koji sa sportskom organizacijom imaju zasnovan radni odnos u skladu sa Zakonom o radu::
      - za svaku stručnu osobu osposobljenu za rad u sportu.....2 boda
 Napomena: Maksimalan broj bodova je 10.
    - c. Broj učesnika (takmičara) u realizaciji programa/projekta,
      - više od 200 učesnika.....5 bodova
      - od 151 do 199 učesnika.....3 boda
      - od 81 do 150 učesnika.....2 boda
      - od 31 do 80 učesnika.....1 bod
    - d. Uspostavljenost sistema trenažnog procesa.....5 bodova



- e. Masovnost boduje se broj aktivnih/registrovanih sportista kluba (pioniri i kadeti):
- preko 100 sportista.....10 bodova
  - od 81 do 100 sportista.....6 bodova
  - od 61 do 80 sportista.....5 bodova
  - od 41 do 60 sportista.....3 boda
  - od 21 do 40 sportista.....2 boda
  - do 20 sportista.....1 bod

5) Kandidovani programi/projekti iz člana 6. stav (1) tačka c) alineja 2) ove odluke (sportski odgoj i obrazovanje) vrednuju se kroz sljedeće kriterije:

- a. Kvalitet programa/projekta boduje se:
- komisija prema stručnoj procjeni ocjenjuje kvalitet projekta/programa u rasponu od.....1-5 bodova

b. Stručni kadar za realizaciju programa/projekta, boduje se broj stručnih osoba osposobljenih za rad u sportu prema članu 52. Zakona o sportu koji sa sportskom organizacijom imaju zasnovan radni odnos u skladu sa Zakonom o radu

- za svaku stručnu osobu osposobljenu za rad u sportu.....2 boda

Napomena: Maksimalan broj bodova je 10.

c. Broj učesnika u realizaciji programa/projekta, boduje se:

- više od 100 učesnika.....10 bodova
- od 51 do 100 učesnika.....6 bodova
- od 21 do 50 učesnika.....3 boda

d. Tradicija organizovanja projekta/programa školskih takmičenja boduje se:

- duže od 10 godina.....5 bodova
- od 5-9 godina.....2 boda

e. Dužina trajanja programa/projekta/broj sati predviđen za sportsku edukaciju boduje se prema stručnoj procjeni komisije u rasponu od.....1- 3 boda

f. Rezultati ostvareni u proteklom periodu realizacijom istih ili sličnih programa/projekata boduje se prema stručnoj procjeni komisije.....1- 5 bodova

Napomena: Pri bodovanju programa/projekata iz člana 6. stav (1) tačka c) alineja 5. će se voditi računa da li se radi o školskim takmičenjima ili sportskoj edukaciji.

6) Kandidovani programi/projekti iz člana 6. stav (1) tačka c) alineja 3) ove odluke (zdravstvena zaštita sportista) vrednuju se kroz sljedeće kriterije:

- a. Kvalitet programa/projekta boduje se:
- komisija prema stručnoj procjeni ocjenjuje kvalitet projekta/programa u rasponu od.....1-10 bodova

d) **Organizacija sportskih manifestacija**

Sufinansiraju se programi/projekti u rasponu od 1.000,00 KM do 4.000,00 KM koji se odnose na:

- 1) Organizacija međunarodnih sportskih manifestacija od kantonalnog značaja (sufinansiraju se projekti u rasponu od 1.000,00 KM do 4.000,00 KM),

- 2) Organizacija nacionalnih sportskih manifestacija od kantonalnog značaja (sufinansiraju se projekti u rasponu od 1.000,00 KM do 3.000,00 KM),
  - 3) Organizacija nacionalnih sportskih manifestacija sa dugom tradicijom i masovnog karaktera (sufinansiraju se projekti u rasponu od 1.000,00 KM do 2.000,00 KM).
  - 4) Kandidovani programi/projekti iz člana 5. stava (1) tačke d) alineje 1), 2) i 3) ove odluke vrednuju se kroz slijedeće kriterije:
    - a. Kvalitet programa/projekta boduje se:
      - komisija prema stručnoj procjeni ocjenjuje kvalitet projekta/programa u rasponu od.....1-5 bodova
    - b. Status sportske manifestacije boduje se.
      - međunarodna.....10 bodova
      - nacionalna.....5 bodova
    - c. Broj država koje učestvuju (za međunarodnu manifestaciju) boduje se:
      - više od 10 (za pojedinačne sportove).....10 bodova
      - više od 5 (za kolektivne sportove).....10 bodova
      - od 5-10 (za pojedinačne sportove).....5 bodova
      - od 2-5 (za kolektivne sportove).....5 bodova
    - d. Broj takmičara boduje se:
      - preko 200 takmičara.....10 bodova
      - od 151-200 takmičara.....8 bodova
      - od 101-150 takmičara.....6 bodova
      - od 51-100 takmičara.....5 bodova
      - od 31-50 takmičara.....4 boda
      - od 15-30 takmičara.....2 boda

Napomena: Izuzetno, komisija može na osnovu određenih specifičnosti kod pojedinih sportova (npr.gimnastika, džudo i slično) čija takmičenja ne broje veliki broj takmičara prema stručnoj procjeni povećati broj bodova najviše za 2.
    - e. Tradicija organizovanja sportske manifestacije, boduje se:
      - duže od 20 godina.....10 bodova
      - od 15-20 godina.....7 bodova
      - od 10-14 godina.....5 bodova
      - od 5-9 godina.....3 boda
- e) **Pružanje usluga korištenja objekata na ime trenažnog procesa u oblasti sporta**  
 Sufinansiraju se programi/projekti javnih ustanova iz člana 2. stav (3) tačka g) i javnih preduzeća iz člana 2. stav (4) koji se odnose na:
- 1) Pružanje usluga korištenja objekata na ime trenažnog procesa sportskim pravnim licima u kolektivnim sportovima, koji se takmiče u prva dva najviša ranga takmičenja na nivou BiH,
  - 2) Kandidovani programi/projekti iz člana 6. stava (1) tačke e) alineja 1) ove odluke vrednuju se kroz slijedeće kriterije:
    - a. Kvalitet programa/projekta boduje se:
      - komisija prema stručnoj procjeni uzimajući u obzir rang takmičenja u kojem se takmiči sportsko pravno lice kojem se sufinansiraju troškovi trenažnog procesa, rezultati koje je sportsko pravno lice ostvarilo u protekloj takmičarskoj sezoni, složenost sistema takmičenja u kojem se takmiči sportsko pravno lice kojem se sufinansiraju troškovi trenažnog procesa, ocjenjuje kvalitet programa/projekta u rasponu od.....1-10 bodova

## Član 7.

### (Postupak raspodjele sredstava)

- (1) Raspodjela sredstava sa ekonomskog koda 613900 – Ugovorene i druge posebne usluge u iznosu od 25.000,00 KM, dodijeljivati će se dobavljačima koji će pružati ugovorene i druge posebne usluge po postupku javne nabavke koje provodi Ministarstvo i članovima Savjeta za sport u skladu sa važećim propisima.
- (2) Raspodjela sredstava sa ekonomskog koda 821500 - Nabavka stalnih sredstava u obliku prava u iznosu od 20.000,00 KM, dodijeljivati će se dobavljačima sa kojima će po postupku javne nabavke koju provodi Ministarstvo biti potpisani ugovori.
- (3) Raspodjela sredstava sa ekonomskog koda 614200 - Tekući transferi pojedincima u iznosu od 100.000,00 KM, raspoređivati će se u skladu sa Odlukom o uslovima i kriterijima za dodjelu nagrade i stipendije, na sljedeći način:
  - a) Dio sredstava dodjeljivati će se putem Javnog poziva za dodjelu sportskih stipendija za 2021. godinu (u daljem tekstu: Javni poziv za stipendije),
  - b) Dio sredstava dodjeljivati će se pojedinačnim odlukama Vlade Tuzlanskog kantona, (u daljem tekstu: Vlada Kantona), na prijedlog Ministarstva.
- (4) Raspodjela dijela sredstava sa ekonomskog koda 614300 - Tekući transferi neprofitnim organizacijama u iznosu od 530.000,00 KM i sredstava sa ekonomskog koda 614400 - Subvencije javnim preduzećima u iznosu od 25.000,00, raspoređivati će se putem Javnog poziva za sufinansiranje projekata/programa sportskih organizacija u oblasti tjelesne kulture i sporta (u daljem tekstu: Javni poziv za sport).
- (5) Dio sredstava iz stava (4) ovog člana u dijelu koji se odnosi na ekonomski kod 614300 – Tekući transferi neprofitnim organizacijama raspoređivati će se na način da će se najmanje 25.000,00 KM dodijeljivati ustanovama iz člana 2. stav (3) tačka g), a preostali dio će se dodijeljivati ostalim sportskim organizacijama iz člana 2. stav (3). U slučaju da ne bude dovoljan broj aplikacija za dodjelu sredstava ustanovama iz člana 2. stav (3) tačka g) sredstva se mogu rasporediti u iznosu manjem od 25.000,00 KM, s tim da najmanji iznos sredstava koji se može dodijeliti ustanovi je 3.000,00 KM, a najveći 8.000,00 KM. Eventualno neraspoređeni dio sredstava se može rasporediti za druge namjene definisane u Javnom pozivu za sport.
- (6) Sredstva planirana za sufinansiranje programa i projekata sportskih organizacija iz stava (4) ovog člana koji se odnosi na ekonomski kod 614300 – Tekući transferi neprofitnim organizacijama, izuzev sredstava iz stava (5) ovog člana, raspodjeljuju se prema sportskim organizacijama, izraženo u procentualnim iznosima, na sljedeći način:
  - a) Vrhunski i kvalitetni sport.....do 55%,
    - 1) kolektivni sportovi .....min. 55%,
    - 2) pojedinačni sportovi .....min 35%.
  - b) Sport za lica sa invaliditetom .....do 15%,
  - c) Sport za sve i sportske manifestacije sufinansiraju se u rasponu od 500,00 KM do 4.000,00 KM, a odnose se na projekte i programe sportske rekreacije, sportskog odgoja i obrazovanja, zdravstvene zaštite sportista i sportske manifestacije .....do 30%, s tim da je moguće određeni procentualni iznos pod tačkom c) ovog stava preraspodijeliti za namjene navedene pod tačkom a) ovog stava.
- (7) Javne pozive iz stava (3) tačka a) i stava (4) ovog člana raspisati će Ministarstvo i objaviti u jednom od dnevnih listova i na web stranicama Vlade Kantona [www.vladatk.gov.ba](http://www.vladatk.gov.ba) i Ministarstva [www.mksmtk.gov.ba](http://www.mksmtk.gov.ba).
- (8) Dio sredstava sa ekonomskog koda 614300 - Tekući transferi neprofitnim organizacijama u iznosu od 86.000,00 KM dodijeljivati će se pojedinačnim odlukama Ministarstva sportskim organizacijama iz člana 2. stav (3) ove odluke na osnovu zahtjeva, sa detaljnim opisom programa/projekta.
- (9) Dio sredstava sa ekonomskog koda 614300 - Tekući transferi neprofitnim organizacijama dodijeljivati će se za SS i SSOI, pojedinačnim odlukama Ministarstva kako slijedi:
  - a) SS za redovno sufinansiranje stručnih poslova u iznosu od 40.000,00 KM,

- b) SS za sufinansiranje troškova organizacije Izboru sportiste Tuzlanskog kantona za 2021. godinu u iznosu do 5.000,00 KM,
  - c) SS za troškove provođenja Malih olimpijskih igara na području Tuzlanskog kantona u iznosu do 7.000,00 KM,
  - d) SS za sufinansiranje organizacije i realizacije Sportskih igara mladih na području 7 (sedam) gradova Tuzlanskog kantona u iznosu do 7.000,00 KM,
  - e) SSOI za sufinansiranje njegovih poslova u iznosu od 10.000,00 KM.
- (10) Postupak raspodjele sredstava po Javnom pozivu za stipendije iz stava (3) tačka a) ovog člana vršit će komisija za otvaranje, pregledanje, vrednovanje i odabir aplikacija kandidovanih od strane aplikanta po Javnom pozivu za stipendije (u daljem tekstu: Komisija za dodjelu sportskih stipendija) koju imenuje Ministarstvo, a koja će utvrditi blagovremenost, potpunost, vrednovanje i odabir prispjelih aplikacija u skladu sa ovom odlukom i Odlukom o uslovima i kriterijima za dodjelu nagrade i stipendije.
- a) Komisija za dodjelu sportskih stipendija sastavljena je od 5 članova predstavnika Ministarstva i članova iz reda istaknutih sportista, sportskih radnika i sportskih stručnjaka.
  - b) U svom radu Komisija za dodjelu sportskih stipendija može, radi što objektivnijeg vrednovanja pojedinih aplikacija zatražiti konsultacije eksperata iz datih oblasti, dodatno pojašnjenje od strane aplikanta koji se prijavio te po potrebi izvršiti provjeru prispjelih prijavi posredno ili neposredno na licu mjesta.
  - c) Komisija za dodjelu sportskih stipendija o svom radu sačinjava zapisnik i isti dostavlja Ministarstvu uz tabelarni prijedlog odabranih aplikanta za dodjelu stipendija sportistima i tabelarni prijedlog odabranih aplikanta za dodjelu stipendija sportistima-učenicima, utvrđene iznose i namjene sredstava po Javnom pozivu.
  - d) Na osnovu prijedloga Komisije iz tačke c) ovog stava Ministarstvo donosi odluku o odobravanju finansijskih sredstava korisnicima, iznosima i namjeni finansijskih sredstava na koju saglasnost daje Vlada Kantona.
- (11) Postupak raspodjele sredstava po Javnom pozivu za sport iz stava (4) ovog člana vršit će:
- a) Komisija za otvaranje i pregledanje aplikacija dostavljenih po Javnom pozivu za sufinansiranje projekata iz oblasti sporta (u daljem tekstu: Komisija za otvaranje i pregledanje aplikacija), koju imenuje Ministarstvo. Komisiju za otvaranje i pregledanje aplikacija čine 3 člana - predstavnika Ministarstva sa zadatkom da utvrdi blagovremenost i potpunost dostavljenih aplikacija po Javnom pozivu. Komisija za otvaranje i pregledanje aplikacija o svom radu sačinjava zapisnik koji dostavlja Ministarstvu uz Listu nepotpunih i neblagovremenih, i blagovremenih i potpunih aplikacija. Lista nepotpunih i neblagovremenih aplikacija biće objavljena na stranici Ministarstva.
  - b) Ministarstvo će nakon utvrđivanja Liste iz tačke a) ovog stava, formirati komisiju za raspodjelu sredstava po objavljenom Javnom pozivu, sastavljenu od istaknutih sportista, sportskih radnika, sportskih stručnjaka ili drugih lica. Komisija za raspodjelu sredstava na osnovu kriterija utvrđenih ovom odlukom i dostavljene dokumentacije kojom aplikanti dokazuju ispunjavanje kriterija za vrednovanje programa/projekata vrši vrednovanje (bodovanje), odabir projekata kandidovanih od strane sportskih organizacija, ustanova i javnih preduzeća, te prema ostvarenom broju bodova predlaže iznose za raspodjelu.
  - c) Komisija za raspodjelu sredstava o svom radu sačinjava zapisnik i dostavlja Ministru prijedlog izbora korisnika, iznosa i namjene sredstava po Javnom pozivu za sport.
  - d) Na osnovu prijedloga Komisije iz tačke c) ovog stava Ministarstvo donosi Odluku o odobravanju finansijskih sredstava korisnicima, iznosima i namjeni finansijskih sredstava po Javnom pozivu za sufinansiranje projekata iz oblasti sporta na koju saglasnost daje Vlada Kantona.

- e) Sa odabranim korisnicima sredstava iz tačke d) ovog stava Ministarstvo potpisuje pojedinačne ugovore kojima će se regulisati međusobna prava i obaveze, nakon čega se sredstva doznačavaju na transakcijski račun korisnika.

#### **Član 8.**

##### **(Objavljivanje rezultata Javnog poziva)**

O rezultatima javnog poziva podnosioci prijava će biti obaviješteni putem web stranice Vlade Kantona [www.vladatk.gov.ba](http://www.vladatk.gov.ba) i web stranice Ministarstva [www.mksmtk.gov.ba](http://www.mksmtk.gov.ba)

#### **Član 9.**

##### **(Podnošenje izvještaja o namjenskom utrošku sredstava)**

- (1) Korisnici sredstava iz člana 7. stav (11) tačka d) ove odluke, dostavljaju Ministarstvu narativni i finansijski Izvještaj o namjenskom utrošku sredstava na način, u rokovima i u skladu sa Uputstvom korisnicima sredstava ministarstva za kulturu, sporta i mlade za finansijsko implementiranje i izvještavanje koji će biti definisani ugovorom iz člana 7. stav (11) tačka e) ove odluke.
- (2) U slučaju da u toku godine dođe do određenih problema u realizaciji projekata, a za koji su dodijeljena finansijska sredstva korisnik je o tome obavezan obavijestiti Ministarstvo i priložiti relevantne dokaze o nastaloj situaciji. U tom slučaju Ministarstvo može uraditi procjenu dostavljenih dokaza i izuzetno uraditi promjenu namjene za navedeni projekat, ako za isti postoje opravdani razlozi. Ukoliko razlozi ne budu opravdani korisnik je dužan izvršiti povrat sredstava.
- (3) Ministar će nakon isteka roka za dostavljanje izvještaja iz stava (1) ovog člana imenovati komisiju koja će izvršiti kontrolu dostavljenih izvještaja i kontrolu utroška sredstava dodijeljenih korisnicima u skladu sa namjenama za koje su sredstva dodijeljena. Komisija je dužna nakon završenog posla sačiniti zapisnik sa tabelarnim pregledom korisnika koji su dostavili izvještaje i korisnika koji nisu dostavili izvještaje, odnosno koji su namjenski utrošili i koji nisu namjenski utrošili dodijeljena sredstva.
- (4) Korisnik za kojeg se utvrdi da nije postupio u skladu sa odredbom iz stava (1) ovog člana ne može ostvariti pravo na dodjelu sredstava za sufinansiranje programa/projekta iz Budžeta Tuzlanskog kantona.

#### **Član 10.**

##### **(Potrebna dokumentacija)**

- (1) Sportske organizacije koje se prijavljuju na Javni poziv za sufinansiranje programa/projekata sportskih organizacija iz stava (4) člana 7. ove odluke (u daljem tekstu: aplikant) obavezno su prilikom prijavljivanja dostaviti sljedeće:
  - a) popunjen aplikacijski obrazac za dodjelu sredstava po Javnom pozivu za sufinansiranje programa/projekata sportskih organizacija u oblasti tjelesne kulture i sporta za 2021. godinu, potpisan i ovjeren pečatom pravne osobe, sa izjavom o tačnosti svih podataka dostavljenih po prijavi na Javni poziv isključivo na propisanom aplikacijskom obrascu (original),
  - b) Aktuelni izvod iz registra u kome je aplikant registriran (udruženja dostavljaju izvod iz registra udruženja, a izvod iz registra nadležnog suda dostavljaju javne ustanove ili javna preduzeća), ne stariji od šest mjeseci od dana objave Javnog poziva (original ili ovjerena kopija),
  - c) Uvjerenje o poreskoj registraciji – identifikacioni broj (original ili ovjerena kopija),
  - d) Obavještenje o razvrstavanju – Klasifikacija djelatnosti (original ili ovjerena kopija). Ukoliko se iz Klasifikacije djelatnosti ne vidi da je aplikantu djelatnost sport neophodno je dostaviti ovjerenu kopiju rješenja iz kojeg se vidi da aplikant obavlja sportsku djelatnost,

- e) Potvrda poslovne banke, u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od tri mjeseca od dana objave Javnog poziva (original ili ovjerena kopija).  
Za budžetske korisnike koji koriste depozitne račune potrebno je dostaviti potvrdu od nadležnog organa uprava na čije ime je otvoren depozitni račun, s brojem depozitnog računa i instrukcijom za plaćanje ne starija od tri mjeseca (original ili ovjerena kopija),
- f) Bilans stanja i bilans uspjeha za 2020. godinu sa vidljivim pečatom FIA ili potvrda sa pečatom FIA da nije bilo promjena na računu za registrovane u 2020. godini koji nisu predali bilans stanja i bilans uspjeha (original ili ovjerena kopija),
- g) Uvjerenje/potvrda o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH za aplikante koji imaju zaposlenike, aplikant koji nema zaposlenika dostavlja izjavu ovjerenu kod nadležnog organa da nema zaposlenih i da nema neizmirenih obaveza, ne starije od tri mjeseca od dana podnošenja prijave (original ili ovjerena kopija),
- h) Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a). Ukoliko nije u sistemu PDV-a, aplikant o tome dostavlja izjavu ovjerenu kod nadležnog organa (original ili ovjerena kopija),
- (2) Sportske organizacije iz stava (1) ovog člana obavezne su prilikom prijavljivanja dostaviti i dokumentaciju kojom dokazuju ispunjavanje kriterija za vrednovanje (bodovanje) programa/projekata iz člana 6. ove odluke, a koja je navedena u aplikacijskim obrascima u zavisnosti od namjene.
- (3) U prilogu ove Odluke i njen sastavni dio su aplikacijski obrasci propisani tačkom a) stavom (1) ovog člana koji će biti dostupni na web stranici Vlade Kantona [www.vladatk.gov.ba](http://www.vladatk.gov.ba) i Ministarstva [www.mksmtk.gov.ba](http://www.mksmtk.gov.ba), i to:
- Aplikacijski obrazac 1 – Vrhunski i kvalitetni sport,
  - Aplikacijski obrazac 2 - Sport lica sa invaliditetom,
  - Aplikacijski obrazac 3 – Sport za sve,
  - Aplikacijski obrazac 4 – Sportske manifestacije i
  - Aplikacijski obrazac 5 – Pružanje usluga korištenja objekata na ime trenaznog procesa.
- (4) Sportske organizacije koje imaju zaključen Sporazum o odgođenom plaćanju sa nadležnom poreskom upravom, dužne su prilikom kandidovanja programa/projekta dostaviti ovjerenu kopiju zaključenog Sporazuma o odgođenom plaćanju, te odgovarajuće dokaze o izvršavanju Sporazuma na način kako je to istim utvrđeno.
- (5) Dokumentacija potrebna za apliciranje na Javni poziv za stipendije propisana je Odlukom o uslovima i kriterijima za dodjelu nagrade i stipendije.

#### **Član 11.**

##### **(Preraspodjela neutrošenog iznosa)**

U slučaju da se ne utroše predviđena sredstva po pojedinim namjenama iz člana 4. ove odluke, neutrošeni iznos se može preraspodijeliti za druge namjene utvrđene članom 4. ove odluke, za koje predviđena sredstva eventualno ne budu dovoljna.

#### **Član 12.**

##### **(Nedostatak sredstava)**

U slučaju nedostatka sredstava u Budžetu Tuzlanskog kantona za 2021. godinu obustavit će se realizacija dodjele sredstava u potpunosti ili djelimično, srazmjerno nedostajućim sredstvima, izuzev sredstava iz člana 7., stav (3), tačka b) ove Odluke.


**Član 13.**

**(Stupanje na snagu)**

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovina**  
**TUZLANSKI KANTON**  
**VLADA**

**Broj: 02/1-36-8870-1/22**  
**Tuzla, 04.05.2021. godine**



**PREMIJER KANTONA**

**Kadrija Hodžić**